

«ԱՍԵԼ» ԲԱՅԻ ԲԱՌԱԻՄԱՍՏԱՅԻՆ ՏԱՐԲԵՐԱԿՆԵՐԸ ԱՐԴԻ ՀԱՅԵՐԵՆՈՒՄ

Ասացական բայերի բառախմաստային խումբը (այսուհետև՝ ԲԻԽ) առանձնանում է ոչ միայն իմաստային-ճանաչողական տեսակետով, այլև նյութոր դեր է կատարում հաղորդակցության իրականացման գործում:

Ըստ է Աղայանի՝ ասացական են համարվում ասվող, արտասանվող, ասելու՝ խոսելու իմաստ ունեցող՝ արտահայտող բառերը¹: Այլ կերպ՝ ասացական ԲԻԽ-ի բայերը միավորվում են իմաստային հետևյալ միասնական հատկանիշով՝ միտք արտահայտել կամ տեղեկատվություն հաղորդել բանավոր ձևով². օրինակ՝ *ազդարարել, անվանել, գրուցել, հարցնել, պատասխանել, պատմել, տեղեկացնել* ևն:

Ասացական բայերը հիմնականում բազմիմաստ են:

Բազմիմաստությունը միևնույն բառի մեջ իրար հետ կապված մեկից ավելի իմաստների առկայությունն է, որ առաջանում է սովորաբար այդ բառի սկզբնական իմաստի զարգացման հիման վրա: Այն միևնույն բառի՝ տարբեր, մեկից ավելի իմաստներով գործածվելու հատկությունն է³:

Բազմիմաստ բառը մտնում է այս կամ այն համանիշային կամ հականիշային շարք իր իմաստներից որևէ մեկով կամ մի քանիսով, հետևաբար բառային իմաստաբանության որևէ միավոր նկարագրելու համար անհրաժեշտ է ունենալ ոչ սյայն հիմնական, այլև նվազագույն միավոր: Բառային իմաստաբանության հիմնական միավորը բառն է, նվազագույն միավորը՝ բառի բառախմաստային տարբերակը (այսուհետև ԲԻՏ):

Լ. Նովիկովը բառի ԲԻՏ-ն համարում է հաղորդակցական նվազագույն միավոր(լեզվական նշանակության և արտաքին նշանի միասնություն)⁴:

Հիմնական և նվազագույն բառային միավորների տարբերակման անհրաժեշտությունը ռուս լեզվաբանության մեջ գիտակցվել է դեռևս Ա. Պեշկովսկու կողմից: «ԲԻՏ» տերմինը ներմուծել է Ա. Սմիրնիցկին, ըստ որի. «Բառի ԲԻՏ-երը տարբերվում են իրենց բառային նշանակություններով (ընդ

¹ Է. Աղայան. Արդի հայերենի բացատրական բառարան (հմդ.՝ ԱԳԲԲ), Ե., 1976, էջ 110:

² Ժ. Մանուկյան. Ժամանակակից հայերենի ասացական բայերը և նրանց իմաստային բովանդակությունը «Լուսաբեր հասարակական գիտություններ», Ե., 1978, N 11, էջ 89:

³ Ա. Սուքիասյան. Ժամանակակից հայոց լեզու, Ե., 1999, էջ 110:

⁴ Л.Новиков. Семантика русского языка, М., 1982, с. 49.

որում այդ նշանակությունների տարբերությունները չեն արտահայտվում նրանց հնչյունական թաղանթում)»։ Այսպիսով՝ նրանք ձևավորում են մեկ բառի իմաստային կառուցվածքը⁵։ Սրանից էլ հետևում է, որ ՔԻՏ-ն բառն է՝ իր մեկ կոնկրետ նշանակությամբ։

Ասացական բայերի ՔԻՏ-ում «ասել» և «խոսել» բայերը միջուկային են համարվում և իմաստային առումով համակարգային դեր են կատարում՝ իրենց շուրջը միավորելով այս խմբի մյուս բոլոր բայերին։

Որպես բազմիմաստ բառեր՝ «ասել» ու «խոսելը» իրենց ՔԻՏ-երով մտնում են տարբեր համանիշային շարքերի մեջ, որոնց անդամները ևս համարվում են ասացական բայեր։ Ընդ որում այդ շարքերի անդամներն ընդհանրություն ունեն միջուկային բայերի հետ՝ ըստ իրենց նույնակամացնող և տարբերակող իմացների⁶։ Օրինակ՝ բազմիմաստ «վիճել» բայը ունի հինգ ՔԻՏ։ «Վիճել» նշանակում է 1.Վեճ վարել, հակաճառել, վիճաբանել։ 2. Առարկել, ընդդիմանալ (խոսքով), դիմադրել, ընդդիմախոսել։ 3.Խոսքակոչիվ տալ, խոսքով կոչել։ 4. փխբ.Սրցել։ 5. փխբ. Կռվել, պայքարել, բախվել⁷։ Այս բայի առաջին երեք ՔԻՏ-երը մտնում են ասացական բայերի ՔԻՏ-ի մեջ, իսկ չորրորդ և հինգերորդ ՔԻՏ-երը չունեն ասացական բայերի միասնական (ինտեգրող), նույնակամացնող հատկանիշը՝ միտք արտահայտել կամ տեղեկատվություն հաղորդել բանավոր ձևով։ Սրանք մտնում են այլ ՔԻՏ-երի մեջ։

Ֆ. Խլղաթյանը բազմիմաստ բառի ՔԻՏ-երը անվանում է նույն բառի ածանցյալ իմաստները՝ գրելով, որ բազմիմաստ բառերի իմաստներից մեկը հիմնականն է, գլխավորը, իսկ մյուսները՝ նրանից ածանցյալ։ Բառարաններում առաջինը նշվում է հիմնական իմաստը, ապա մյուսները՝ ըստ խոսքի մեջ իրենց ունեցած գործածության հաճախականության կամ ակտիվության։ Բառարանից դուրս բառը ընկալվում է իր հիմնական, գլխավոր իմաստով, իսկ մյուս իմաստները դրսևորվում են խոսքաշարում⁸։

«Ասել» բազմիմաստ բառույթը մտնում է ասացական բայերի ՔԻՏ իր բոլոր ՔԻՏ-երով։ «Ասել» բայի համար «Ժամանակակից հայոց լեզվի բացատրական բառարանում» նշված է քսաներկու ՔԻՏ⁹, է. Աղայանի «Արդի հայերենի բացատրական բառարանում»՝ տասնութ ՔԻՏ⁹։ Այս երկու

⁵ Л. Новиков, տե՛ս նշվ աշխ., էջ 111-112։

⁶ Антонова С., Глаголы говорения-динамическая модель языковой картины мира: опыт когнитивной интерпретации. Монография. Гродно, 2003, с. 220։

⁷ Տե՛ս ԱՅԲԲ, էջ 1391։

⁸ Ֆ. Խլղաթյան, Ժամանակակից հայոց լեզու, Բ պրակ, Ե., 2008, էջ 14 - 15։

⁹ ԺՂԲԲ, հատոր առաջին, Ա-Ե, Ե., 1969, էջ 184-185։

⁹ Տե՛ս ԱՅԲԲ, էջ 110։

բառարանների ԲԻՏ-երը համադրելով՝ «ասել» բայի համար կարելի է առանձնացնել քսաներկու ԲԻՏ կամ ածանցյալ իմաստ: Դրանք են.

1. Միտքը խոսքով արտահայտել, դրսևորել.

Երբ այն ավարտվեց, Հովհաննիսյան վեր կացավ և դիմելով վանականին՝ ասաց. «Եթե դու իսկապես սիրում ես ինձ, մոտեցիր և գրկիր ինձ» (Մ. Մանուկյան, Սիրո գանձարան, Ե., 2003, էջ 223):

2. Հաղորդել, հայտնել, տեղեկություն տալ.

«Օսմանցին լցվավ Գյումրի», - ասաց սուրհանդակ Անդրեասը, և խնդրեց, որ շտապ մեկնեն (Խ. Դաշտենց, Ռանչպարների կանչը, Ե., 1984, էջ 347):

3. Հիշատակել.

Այդ իմպեսների մասին են ասում,

Թե մարդու տղան ոսկի ձեռք ունի (Պ. Սևակ, Ե.ժ. 3 հ.-ով, հ.1, Ե., 1982, էջ 121):

4. Անվանել, կոչել.

Մենք քիչ ենք, սակայն մեզ հայ են ասում (Պ. Սևակ, հ.1, էջ 62):

5. Հրամայել, հանձնարարել, պահանջել, պատվիրել.

Ես ասում եմ ձեզ՝

մարգարեի պես.

-Օ՜, կնատարազ այրերի ոխից վախեցեք կյանքում և սարսափեցեք նրանց վրեժից անբեկանելի (Պ. Սևակ, հ. 2, Ե., 1983, էջ 283):

6. Պատասխանել.

Ասա, Վարդապետ,

ի վերջուսերը. (Պ. Սևակ, հ. 2 էջ 153):

7. Պատմել.

Ասում են, իբրև, խարույկի վրա

Ջահել ըմբոստի մի սիրտ են այրել (Հովհ. Շիրազ, Զնար Հայաստանի, Ե. 2000, էջ 105):

8. Մեկի, մի բանի մասին կարծիք, դատողություն արտահայտել, խոսել.

Ասում են, որ այդ բերդը շինելիս նաիրցի վարպետները ձվի սպիտակուց են գործածել շաղախի փոխարեն, - ահա, թե ինչու է այդ բերդը անխորտակելի (Ե. Չարենց, Ե.ժ. 4 հ.-ով, հ. 4, Ե., 1987, էջ 13):

9. Գուշակել, նարսզգալ, վկայել, զգացնել տալ.

-«Ապու - ապու, կապու - կապու ...

Եկ մի տեսնենք՝ ի՞նչ կա ափում...»:

-«Աթու - աթու, հա թուհ - հա՛ թուհ...

Տեսնենք տղան ի՞նչ է ասում...» (Պ. Սևակ, հ.1, էջ 370):

ԺՀԼԲԲ-ում նշված է «գուշակել» իմաստը հետևյալ օրինակով՝ Աղջի Վարդիշադ, թե հոգիդ սիրես, մի գարիդ գցիր, տես ինչ է ասում...» (ՀԹ), իսկ ԱՀԲԲ-ում այս իմաստը բացակայում է, բայց կա «վկայել, զգացնել տալ, նախագգալ» իմաստը հետևյալ օրինակով՝ Սիրտս՝ հոգիս ասում է...: Եվ քանի որ գուշակել (ճբ.1. Լինելիքը առաջուց գիտենալ և ասել, նախասել, մարգարեանալ, 2. Կախարդությամբ ապագան ասել, որևէ բանի ելքը՝ վախճանը նախատեսել: 3. փխթ. Կռահել, գլխի ընկնել: 4. Ցույց տալ, ահագանգել, ազդանշել: 5. փխթ. Կանխագգալ, նախագգալ):¹⁰ բառն ունի նաև «կանխագգալ», «նախագգալ» ԲԻՏ-ն, կարծում ենք՝ երկու բառարաններում նշված հիշյալ իմաստները կարելի է միավորել՝ դարձնելով մեկ իմաստ՝ գուշակել, նախագգալ, վկայել, զգացնել տալ՝ բացառելով «վկայել» ԲԻՏ-ն, քանի որ «գուշակել» բայի համանիշային շարքում¹¹ ևս նշված են այս իմաստները՝ բացի «վկայել» բայից, որը նշանակում է «1. Որպես ականատես կամ լավատեղյակ մարդ՝ հաստատել որևէ բան: 2. Արտահայտել որևէ բան, որևէ բանի արտահայտությունը լինել, հաղորդել որևէ բան: 3. (իրավք.): Որպես վկա դատարանում ցուցմունք տալ՝ իր իմացածները՝ տեսածները հայտնել: 4. Հավաստել, հաստատել: 5. Որևէ բանի ապացույցը լինել: 6. փխթ. Նահատակվել, իբրև վկա մարտիրոս տառապանքների ու չարչարանքների ենթարկվել, տառապել, տանջվել: (Այս կետի «փխթ.» նշումը, կարծում ենք, ճիշտ կլինի փոխարինել «հնց.» նշումով՝ Դ. Դ): 7. (կրոն.): Նահատակվել, մարտիրոսանալ¹²»:

10. Մի բանի արտահայտության նշանը լինել, վկայել մի բանի մասին:

Այդ էր ասում նրա անսովոր, լուսաշող Ժպիտը, որից դեմքն այնպես գեղեցկանում, դառնում էր զարմանալի (Զ. Խալափյան, Ջերմամբ մխիթարություն, Ե., 1979, էջ 295):

ԺՀԼԲԲ-ում նշված է «ցույց տալ, հայտնի անել (շարժունով, դիմախաղով և այլն)» իմաստը հետևյալ օրինակով՝ Նրա փոխարեն ասում էին նրա ուռած և արյունով լցված աչքերը, հաստ չրթունքը (ՀԹ), ԱՀԲԲ-ում այս նշանակությանը համապատասխանում է տասնհինգերորդ իմաստը՝ «որոշ բան արտահայտել, ինչ-որ բան նշանակել, որոշ իմաստ ունենալ» հետևյալ օրինակով՝ Ապա շարունակեց լուռ քայլել, որ նույնպես բան էր ասում (Ս. Այվազյան), և

¹⁰ Տես ԱՀԲԲ, էջ 269:

¹¹ Ա. Սուքիասյան. Հայոց լեզվի հոմանիշների բացատրական բառարան, Ե., 2003, էջ 223:

¹² Տես ԱՀԲԲ, էջ 1394-95:

տասնվեցերորդ իմաստը՝ «մի բանի արտահայտության նշան լինել, վկայել մի բանի մասին» հետևյալ օրինակով՝ Նրա արարքը այդ էր ասում:

Այս երեք իմաստները միավորելով՝ կարելի է ընդունել մեկը՝ «մի բանի արտահայտության նշանը լինել, վկայել մի բանի մասին»:

11. Երգել.

Հիմի անտուն ման եմ գալիս, գիշեր-ցերեկ

Երգ եմ ասում (Ե. Չարենց, հ. 1, Ե., 1986, էջ 225):

12. Ստածել.

-Ասում եմ,- շրջվեց Վիգենի կողմը,- Եթե մարդկությունը անմահական էլիքսիր հայտնաբերեր, ի՞նչ կլիներ (Չ. Խալափյան, էջ 174):

13. Հոգ տանել, մտահոգվել, մտքով անցկացնել.

«Ո՛հ, ամեն ինչ ծովեց, տակնուվրա եղավ», - ասաց նա յուրովի և ամբողջ ճանապարհին մտածում էր, թե ինչպես դիմագրավի այս նոր աղետներին (Պ. Ղեմիրճյան, Վարդանանք, Ե., 1987, էջ 177):

14. Կրկնել.

Ա՛խ, սիրտս նաև նման է կարծես...

Նման է կարծես նա մի թութակի,

Որ ո՞ղջ ժամանակ նույն բանն է ասում.

-Ես քեզ եմ ուզում... (Պ. Սևակ, հ. 1, էջ 245):

15. Արտասանել, խոսել, ասմունքել.

Աշխարհի առաջ բարձրանալ տեղից

Ու հատ-հատ ասել.

-խոսելն իզուր է, ճառելն՝ անտեղի:

Սիստըր, աղա, սըր,

Տիկնայք մեծարգո, պարոնայք ազնիվ

Քար ու կշեռքին ի՞նչը կհասնի (Պ. Սևակ, հ. 2, էջ 66):

ԺՀԼԲԲ-ում կա «արտասանել» իմաստը, ԱՅԲԲ-ում որպես բառաիմաստային երրորդ տարբերակ նշված է «խոսել, արտասանել (ճառ ևն)», և տասնյոթերորդ իմաստը՝ «ժղ. ասմունքել»:

Սենք այս երեքը միավորում ենք մեկ իմաստի մեջ՝ խոսել, արտասանել, ասմունքել

16. Պնդել.

Իսկ ես էլ կասեմ.

«Այո գժվե՛լ եմ,

Ինչու՞ չգժվե՛լ» (Պ. Սևակ, հ. 1, էջ 421):

17. Առարկել.

Հանեցեք ձեր դիմակները,

Որ գեթ մի քիչ դյուրին շնչե՞լ կարողանաք...

Ինքնե՞րդ ասեք.

Բավական չե՞՞

Դուք ձեզանից ձեզ գողանաք

Եվ տեղն ուրիշ մեկին դնեք ձեր փոխանակ: (Պ. Սևակ, հ. 1, էջ 126):

18. Նախագգուշացնել.

Ես ձեզ ասում եմ՝ կըգա Ոգու սով,

Եվ դուք կըքաղցեք ճոխ սեղանի մոտ,

Կընկնեք մուրալու հափրած որկորով՝

Հըրեղեն խոսքի, վեհ խոսքի կարոտ (Ավ. Իսահակյան, Երկեր, Ե., 1980, էջ 84):

19. Հրմ. եղ. ասա, ասեք կամ ասացեք. գործածվում է որպես ~~եղանակավորող~~ բառ.

ա. միայն թե, երանի թե նշ.

-Աշխարհքս միշտ կմնա, ասա մարդը սներես չմնա...(Ա. Բակունց, Երկեր, Ե., 1986, էջ 156),

բ. ուրեմն նշ.

Մեր ծերությունը

Կարող է հանկարծ մեզ հարցնել մի օր.

«Իսկ որտե՞ղ ասեք,

Ինչպե՞ս երևաց,

Ինչո՞վ երևաց

Ջահելությունը ձեր ամենագոր» (Պ. Սևակ, հ. 1, էջ 217):

20. Շաղկապական բառ, կարծես թե (ըղծ. և պայմ. եղ-ի 2-րդ դեմքով).

Մեր ներսն ամբողջ ասես լինի

համակ խտուտ,

Ինչպես կուրծքը նորահարսի (Պ. Սևակ, հ. 1, էջ 146):

21. Շաղկապական բառ, չնայած, թեև (ըղծ. եղ. հոգնակի 1-ին դեմքով).

Ես հույս ունեմ .. ասենք պարտք ենք...

Բայց չե՞՞ ախար մենք էլ մարդ ենք...(Հովհ. Թումանյան, Երկերի լիակատար ժողովածու տասը հատորով, հ. 2, Ե., 1990, էջ 95):

22. Եղանակավորող բառ, ենթադրում ենք,

ընդունենք.

Բա չե՞ս տեսնում, թե քո ձեռին

Ոնց են դողում: Ասենք մեծ ես,

Մի՞թե պիտի փոքրին տանջես...(Հովհ. Թումանյան, հ. 2, էջ 147):

«Ասել» բայի ՔԻՏ-երին մենք հավելում ենք նաև հետևյալ իմաստները, որոնք տեղ չեն գտել հիշյալ բառարաններում.

1. Բացականչել.

Վա՛յ, ասում է, չէ, այդ ի՞նչ ես ասում, կնիկս ինձ կսպանի, այդ ի՞նչ ես ասում (Զ. Խալափյան, էջ 173):

2. Բացատրել.

-Լիլիթ, անճման Լիլիթ, դու իմաստում ես. ասա ինձ. այս ի՞նչ զգացում է, որ բույն է դրել հոգուս մեջ քեզ տեսնելու վայրկյանից (Ավ. Իսահակյան, էջ 79):

3. Եզրակացնել.

-Մնունդ տակը չգրելը զարմանալի խելոք է,- ասաց Զմայակը (Զ. Խալափյան, էջ 177):

4. Թվարկել.

Ես կյանքում ինչքա՛ն գիշեր եմ ունեցել,-

դժվար է ասել (Պ. Սևակ, հ. 1, էջ 212):

5. Խնդրել.

Կանույն կերթամ, ասա թող գա, ծիով թող գա, ինձ տանի,

Սաա թող գա՝ որսը տանի, թե որսկանն է Սիփանի...(Զովի. Շիրազ, էջ 199):

6. Խոստանալ

Մամբրեն էլ հետաքրքրվում էր, թե ավտոմեքենան երբ ես առնելու՝ Երկուսդ էլ չտալալում եք:

-Կառնեն. Ասել եմ, կառնեն (Վ.Պետրոսյան, Զորս վիպակ, Ե., 1990, էջ 201):

7. Հայտարարել.

Նաև ասում եմ.

Գերադասում եմ կրակից հեռու մի փոքր մրսել.

Քան այրվել նրա մոտիկությունից.

Եվ հրաժարվել հյուրասիրվելու սուր ցանկությունից,

Քան դժվարությամբ կերածս մարսել...(Պ. Սևակ, հ. 1, էջ 400):

8. Հարցնել.

Ասացի՞ ի՞մն ես:

Ասացիր՝ քոնն եմ:

Ու լուռ ենք հիմա...(Պ. Սևակ, հ. 1, էջ 313):

9. Հաստատել.

-Ես կսպասեի այդ աղջկան,- մռայլ ասաց Մանուկը,- Ալիսան իր նամակում գրել էր, որ մինչև մահ կսիրի ինձ.

-Կսիրի,- ասաց Ռուբենը (Վ.Պետրոսյան, էջ 246):

Իհարկե, այս հավելումը նույնպես վերջնական չէ, և այն կարելի է հարստացնել այլ բայերով ևս, քանի որ միջուկային «ասել» բայը գործածվում է բազմաթիվ այլ իմաստներով, և այդ գործածությունը այնքան հաճախական է (հատկապես գեղարվեստական խոսքում), որ թույլ է տալիս բացահայտելու միջուկային ասացական բայերի իմաստային կառուցվածքի ծավալային ընդգրկումը:

ԲԻՏ-երի այսպիսի առատությունը պայմանավորված է նրանով, որ «ասել» բայը հարաբերակցվում է հաղորդակցման գործընթացին՝ նշանակելով խոսքային գործունեության տարբեր կողմեր:

«Ասել» միջուկային բայի և նրա բառաիմաստային տարբերակների կառուցվածքը ներկայացնում ենք հետևյալ գծապատկերով (տե՛ս գծապատկեր 1):

Այսպիսով՝ միջուկային բայերի առանձնահատկությունների բացահայտումը հնարավորություն է տալիս ճանաչելու նաև տվյալ ԲԻՏ-ի բայերի հատկանիշների ուրվագծերը ամբողջության մեջ:

Ամփոփելով նշենք, որ.

1. Միջուկային բայերի գործառական ճկունությունը պայմանավորված է նրանց՝ խոսքային գործունեության բոլոր կողմերը նշանակելու բազմունակությամբ:
2. Միջուկային բայերը իրենց բառաիմաստային կառուցվածքի, խոսքում կատարած դերի տեսանկյունից ասացական այլ բայերի գործածության համար չափանիշ են հանդիսանում:
3. Միջուկային ասացական բայերը հանդես են գալիս որպես գործառական համարժեքներ եզրային ասացական բայերի համար:

